

Aalisarnermut Piniarnermullu Naalakkersuisoqarfimmut

Tiguisisussa: Thomas Rassing

**Aalisarnerup teknikikkut iluarsartuussivigineqarnera pillugu
Namminersorlutik Oqartussat nalunaarutissaata
tusarniaassutigineqarneranut akissut.**

Sustainable Fisheries Greenland-ip (SFG) "Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat"-tut siunnersuutitut nassiunneqartoq misissorpaat imatullu oqaaserfigalugu:

- Avataasiorluni qaleralinniarnermut tunngatillugu 64°30'N aamma 68°N-ip qaleralinnik kilisaffigeqqusaanngivinnera MSC-mik akuersissutaateqarnermut sunniutilerujussuvoq. Taamaattumik § 6, imm. 2-p peerneqannginnissaa pingaartut SFG-ip erseqqissarusuppaa.
- SFG-p maluginiaqquaa ilanngussamut 5-imut Toqqusaq Banke-mut tunngatillugu nunatta kitaani avataani aalisarnermi aqutsinermut pilersaarutip aamma nalunaarutissamut suliareqqaakkatut ingerlanneqartup akornanni naapertuutinngitsoqartoq. Imartanut ilisarnaatit JG012, JG013, JG014 aamma JF014 akornanni qaleriittoqarpoq. Tassa aalisarnermi aqutsinermi pilersaarut naapertorlugu sumiiffinni taaneqartuni angallatit qaleralinniarsinnaapput akerlianilli nalunaarummi allaqqalluni tamaani qaleralinniarsinnaanngitsut. Tassunga atatillugu taaneqassaaq imartanut ilisarnaat JG012 angallatit qaleralinniartarfiisa iluaniimmat. Taamaattumik tamaani aalisarsinnaajunaarsitsisoqassappat aalisartunut akornutaassaaq. Imartanut ilisarnaammi sumiiffiit annertummata imartanut ilisarnaatit sumiiffiup aalisarfiussanngitsutut killilerneqarnera aqutsinermut atussallugu ersarluppallaarput. SFG-p innersuussutigaa imartanut ilisarnaatinut taarsiullugu Toqqusaq Banke-mi sumiiffiit eqqornerusut atornerqarsinnaasut (allorniusaq tukimukartoq/allorniusaq sanimukartoq). Qaleralinniarnermi nalunaarutit aamma aalisarnermi aqutsinermut pilersaarutit imminnut naapertuunnissaat aamma qulakkeerneqartariaqarpoq.
- "Piujuartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat"-ta atorunnaarneranut atatillugu

nalunaarutimmi maanna suliarineqartumi § 12-mi ”koraalinik immallu pupiinik pisat”-nut tunngasuni immikkoortumik ilanngussisoqassasoq innersuussutaavoq.

Tamatumani imartani mianernartuni pisani, soorlu koraalinik immallu pupiinik, killiliussatut nalit NAFO-p kaammattuutaanut naleqqussartariaqarput, tamatumallu saniatigut sukaasat immikkut taaneqartariaqarput. Kilisannermi ataatsimi NAFO-p killiliussaut nalit taasai tassaapput:

- 7 kg sukaasat aamma/imaluunniit 60 kg koraalit uumasut allat aamma/imaluunniit 300 kg immap pupii. (Art 22.1 of NAFO CEM).

Annertussutsit matuma siuliani taaneqartut saniatigut pisat pillugit nalunaarutissap kukkunersiorneqarnissaanut ilanngunneqarsinnaalluarput.

- § 8-mi piffissami aalajangersimasumi killiliisoqartarnissaanut tunngatillugu piffissap arnarlunniarfiusumut tunngasup oqaasertaa naleqqussarneqassasoq SFG innersuussivoq. Arnarlunniarnerup qaqugu aallartinnera apeqqutaatinnagu piffissap arnarlunniarfissap ulluni sivisunerpaamik 60-ni ingerlasinnaanera imm. 2-mi allaqqasariaqarpoq kiisalu piffissaq arnarlunniarfiususaaq 1. aprilimiit 16. julimut inissisimasariaqarluni.
- § 9-mi imm. 1-imi innersuussutigineqartunut tunngatillugu atortut piniutit alakkarneqartarnissaannik imaarneqartarnissaannilu kiisalu sivikinnerpaamik ningisimaneqartarnissaannik oqaasertaliinissaq SGG-ip innersuussutigaa, taamalu ililluni pisat ajoqusernissaraluat pisariaqanngitsunillu saniatigut pisaqartarneq pinngitsoortinneqarluni.
- § 23-mut tunngatillugu SFG innersuussivoq kalerrisaarutit nipiliortut aallaqqaammut misileraanertut ilanngunneqaqqaassasut, tassami tamanna nutaatut aalisartut sungiunniaraqqaarlugu naleqqussarfigeqqaartussaavaat.
- § 28-mut tunngatillugu imm. 2 ilumut naleqqunnersoq Aalisarnermut Naalackersuisoqarfiup eqqarsaatigissagaa SFG innersuussivoq. Nalunaarut naapertorlugu qassusersorlutik qaleralinniartut inerteqquteqarfiginissaat paatsoornarpasippoq, tassami kommunini ileqqoreqqusat naapertorlugit inerteqqutaanngimmat taamatullu qassusersorluni qaleralinniartarnermi pisat amerliartormata.

In. in.

Sustainable Fisheries Greenland